Հավելված ՀՀ կառավարության 2020 թվականի հունիսի 25-ի N 1039 - Լ որոշման

## ԿԱՐԳ

ԿՈՐՈՆԱՎԻՐՈՒՍԻ ՏՆՏԵՍԱԿԱՆ ՀԵՏԵՎԱՆՔՆԵՐԻ ՉԵՋՈՔԱՑՄԱՆ ՔՍԱՆԵՐԿՈՒԵՐՈՐԴ ՄԻՋՈՑԱՌՄԱՄԲ ՍԱՀՄԱՆՎԱԾ ՄԻԱՆՎԱԳ ԱՋԱԿՑՈՒԹՅՈՒՆ ՏՐԱՄԱԴՐԵԼՈՒ

- 1. Սույն կարգով կարգավորվում են միանվագ աջակցություն նշանակելուն և վճարելուն առնչվող հարաբերությունները։
- 2. Միանվագ աջակցությունը նշանակում և վճարում է Հայաստանի Հանրապետության աշխատանքի և սոցիալական հարցերի նախարարության սոցիալական ապահովության ծառայությունը (այսուհետ՝ ծառայություն)՝ հիմք ընդունելով Հայաստանի Հանրապետության բնակչության պետական ռեգիստրի և Հայաստանի Հանրապետության կառավարության 2012 թվականի դեկտեմբերի 20-ի N 1676-Ն որոշմամբ հարկային մարմնից ստացված տվյալները՝ 2020 թվականի հունիսի 1-ի դրությամբ անձանց աշխատանին հարաբերությունների վերաբերյալ (այդ թվում՝ մինչև 2020 թվականի հունիսի 8-ը հարկային մարմին ներկայացված)։
- 3. Միջին ամսական աշխատավարձի չափը հաշվարկվում է 2020 թվականի հունվար, փետրվար և մարտ ամիսներին աշխատողի համար հաշվարկված աշխատավարձի և դրան հավասարեցված այլ վճարումների հանրագումարը երեքի բաժանելու միջոցով։
- 4. Հայաստանի Հանրապետության պետական եկամուտների կոմիտեն էլեկտրոնային եղանակով ծառայությանն է տրամադրում բանկերի, վարկային կազմակերպությունների, գրավատների, ապահովագրական ընկերությունների, արտարժույթի փոխա-

նակման կետերի, ներդրումային կազմակերպությունների, ներդրումային ֆոնդերի, վիճակախաղերի և շահումով խաղերի կազմակերպիչների, ներդրումային ֆոնդերի կառավարիչների, վճարահաշվարկային կազմակերպությունների, ապահովագրական բրոքերների, վարկային և ապահովագրական բյուրոների, պետական մասնակցությամբ բաժնետիրական ընկերությունների, պետական ոչ առևտրային կազմակերպությունների, համայնքային ոչ առևտրային կազմակերպությունների, պետական կառավարչական հիմնարկների, համայնքային կառավարչական հիմնարկների, համայնքային կառավարչական հիմնարկների, հասարակական կազմակերպությունների, հիմնադրամների, հասարակական միավորումների, ոչ առևտրային կոոպերատիվների, կուսակցությունների հարկ վճարողների հաշվառման համարները։

- 5. Ծառայությունը, հաշվի առնելով Հայաստանի Հանրապետության պետական եկամուտների կոմիտեից ստացված տեղեկատվությունը և Հայաստանի Հանրապետության կառավարության 2020 թվականի հունիսի 25-ի N 1038-L որոշման դրույթները, ձևավորում է վճարման ցուցակ։ Ընդ որում
- 1) Հայաստանի Հանրապետության կառավարության 2020 թվականի հունիսի 25-ի N 1038-L որոշման և սույն կարգի իմաստով քաղաքացիաիրավական պայմանագրի հիման վրա աշխատանք կատարող կամ ծառայություն մատուցող անձը չի համարվում վարձու աշխատող (քաղաքացիաիրավական պայմանագրի հիման վրա կատարվող աշխատանքը և մատուցվող ծառայությունը չեն համարվում վարձու աշխատանք), իսկ այդ պայմանագրի հիման վրա ստացված եկամուտը՝ աշխատավարձի և դրան հավասարեցված այլ վճարումներում չի հաշվառվում.
- 2) աշխատանքից ազատված անձը վճարման ցուցակում ներաովում է նաև այն դեպքում, երբ նրա համար 2020 թվականի հունվար, փետրվար և մարտ ամիսներին աշխատավարձ և դրան հավասարեցված այլ վճարումներ չեն հաշվարկվել։

3

6. Վճարման ցուցակում ներաովում են բանկի անվանումը, ինչպես նաև շահառուի

անունը, ազգանունը, անձը հաստատող փաստաթղթի սերիան ու համարը, հանրային

ծառայությունների համարանիշը և վճարման ենթակա գումարը։

7. Աջակցությունը նշանակվում և վճարվում է շահառուի կողմից https://dimum.ssa.am/

կայքէջին էլեկտրոնային եղանակով ներկայացված դիմումի հիման վրա։ Աջակցությունը

վճարվում է անկանխիկ եղանակով՝ բացառապես շահառուի քարտային հաշվին փոխան-

ցելու միջոցով, ընդ որում, եթե միանվագ աջակցության գումարը բանկին փոխանցելու

ամսվան հաջորդող 3 ամսվա ընթացքում անձը բանկին չի ներկայացնում գումարն ստա-

նալու պահանջ, ապա գումարը վերադարձվում է Հայաստանի Հանրապետության պետա-

կան բյուջե։

8. Ծառայության պաշտոնական կայքէջում հրապարակվում է սույն կարգով

սահմանված աջակցություն ստացած անձանց վերաբերյալ հետևյալ տեղեկատվությունը՝

1) շահառուի անունը, ազգանունը, հայրանունը.

2) ամփոփ տեղեկատվություն աջակցություն ստացած անձանց և՝ նրանց վճարված

գումարների վերաբերյալ։

9. Միանվագ աջակցության գումարը չի կարող արգելադրվել (դրվել արգելանքի

տակ), բոնագանձվել կամ հաշվանցվել հաճախորդի պարտավորությունների դիմաց։

10. Միանվագ աջակցության գումարն ընտանիքի անապահովությունը գնահա-

տելիս ընտանիքի ամբողջական եկամտի հաշվարկի մեջ չի մտնում։

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՎԱՐՉԱՊԵՏԻ ԱՇԽԱՏԱԿԱՋՄԻ ՂԵԿԱՎԱՐ

Է. ԱՂԱՋԱՆՅԱՆ